

22.

ANTE JAKŠIĆ

*POD SAPETIM
KRILIMA*

TUZLA 1941



J.U. NARODNA I UNIVERZITETSKA
BIBLIOTEKA "DERVIŠ SUŠIĆ" TUZLA

ANTE JAKŠIĆ

*POD SAPETIM
KRILIMA*


TUZLA 1941



J.U. NARODNA I UNIVERZITETSKA
BIBLIOTEKA "DERVIŠ SUŠIĆ" TUZLA

Ova je knjiga štampana u 500 primjeraka

Naklada Pučkog Sveučilišta pri
gimnaziji u Tuzli



Tiskara Božidar Lemezović, Tuzla

PRAVIM PJESNICIMA

Vi, što ste bili dobri kao sveci
Sa čistom dušom djeteta što sniva,
Samo ste dobro sijali po svijetu,
I ljubav samo nosila vas živa.

Vi nijeste znali za osвете grozne,
Daleko od vas sve su bile časti,
Jer vi ste dobro, vrlo dobro znali
Da krv protiče pod kopitom vlasti.

Vas svijetom srce nosilo je čisto,
Tek djela vaša štitila vas časna,
I za vas nebo slobodno je bilo
I zemlja ova pristupačna krasna.

Vi nijeste bili narodni tribuni,
Za skupe pare politička truba,
Vaš ponos nije pritislula bijeda,
Nit strah u dušu stisla ruka gruba.

Ne, vi ste bili časni kao sveci
Što bijedne dižu i klonule tješe,
I ruku svoju pružali ste slabom,
I na put pravi vodili što griješe.

Kroz život stalno pratila vas bijeda,
I glad je znala često da vas slama,
Al' iduć cestom i stazama pustim,
Oči su vaše sjale pune plama.

Na vaš je obraz pljunut mogo svako,
U mraku pijest je od poštenja jača,
Al' vi ste išli poput svetog Franje
Sa svetim žarom duhovnoga mača.



*Vi nijeste bili poniknute glave
Ko mnogi što su prodali se jadni,
Al' često kradom plakali ste gorko,
I često, često usnuli ste gladni.

I vama, što ste bili tako čedni
Ko nježan cvijet nad ponorom jada,
I što ste nebo raznosili svijetom,
U slavu vama pjesma mi se sklada.

Jer vi ste zraka unutarnje snage
Što ljudstvo jedno sa Božanstvom veže,
Dok demon crna razmahuje krila
I zločin zemlju u nasilju steže.

I dokle vaše uprte su oči
U vječni smiso vremena i ljudi,
Dok Božja kroz vas progovara miso,
Suluda masa s prijezirom vam sudi.

I kao prosjak prolazite svijetom
Sa dušom čistom djeteta što sniva,
A vrhu vriska, zabluda i laži
Kroz dušu vašu vječnost se otkriva.

